

三因方論

上

13. 14.

三因方論卷十三目錄

痰飲叙論

痰飲證論

痰飲治法

十棗湯

小青龍湯

小承氣湯

大半夏湯

葶藶大棗湯

茯苓湯

大青龍湯

防己桂枝湯

茯苓五味子湯

小半夏湯

五苓散

參苓飲

八味丸

參蘇飲

破飲丸

控涎丹

強中丸

喘脉證治

杏參散

神祕散

真應散

芩冬湯

清肺湯

神祕湯

皺肺湯

理氣丸

黑錫丹

白散子

肺痿肺癰叙論

肺痿證治

人參甘草湯

甘草乾姜湯
在人參甘草湯之上

溫液湯

肺癰證治

葶藶瀉肺湯
見痰飲門

小青龍湯
見痰飲門

如聖湯

葦葉湯

腰痛叙論

外因腰痛論

內因腰痛論

不內外因腰痛論

腰痛治法

獨活寄生湯

小續命湯

牛膝酒

杜仲酒

腎着湯

鹿角丸

安腎丸

青娥丸

神應丸

立安丸

五積散

熟大黃湯

橘子酒

桃仁酒

虛損證治

正元散

麝香鹿茸丸

大山芋丸

羊肉丸

大補丸

免絲子丸

妙應丸

增損樂全湯

人參養榮湯

十補丸

遠志丸

秘真丹

蓮子丸

威喜丸

鎖陽丹

十四反丸

宣和賜著絲丸

參香散

三因極一病證方論卷十四目錄

水腫叙論

水腫證治

復元丹

當歸散

正陽丹

消腫丸

消腫散

棗仁散

禹餘糧丸

退水丸

退水餅

大腹子散

桃紅散

大安丸

千金散

葶藶薺菜丸

料簡

大豆湯

五皮散

澤漆湯

黃芪苦酒湯

附子薺豆湯

無礙丸

茯苓分氣湯

麻黃甘草湯

茯苓蘇子湯丸

氣分證治

桂附湯

枳朮湯

陰癩叙論

陰癩證治

茱萸內消丸

大戟丸

煉陰丸

抵聖丸

兼金丸

麝痛丸

蒺藜丸

三白散

蜘蛛散

牡丹散

香附散

雄黃散

癰疽叙論

癰疽證治

遠志酒

單煮大黃湯

獨聖湯

獨聖雙行湯

五香連翹湯

忍冬酒

靈寶膏

白玉膏

替針丸

萬金湯

漏蘆湯

轉毒散

托裡散

檳連散

生肌散

瞿麥散

內寒散

內補散

善應膏

猪蹄湯

外食散

瘡漏脉例

陷脈散

桂附丸

癰疽灸法

三因極一病證方論卷十三

宋青田鶴溪陳言無擇編

痰飲叙論

人之有痰飲病者由榮衛不清氣血敗濁凝結而成也內則七情擾亂歲氣不仁鬱而生涎，結為飲為內所因外則六淫侵冒玄府不適當汗不泄蓄而為飲為外所因或飲食過多嗜欲無度呼呌疲極運度失宜津液不行聚為痰飲屬不內外因三因所成證

狀非一或為喘為欬為嘔為泄暈眩嘈雜忪悸愼慄
寒熱疼痛腫滿攣痺癢閉痞隔如風如癩未有不由
痰飲之所致也

痰飲證治

古方唯分四飲六證不說三因不知其因病源自何
而得觀夫治飲之法既用大小青龍桂枝防己五苓
承氣得非外因葭苓、朮八味參蘇得非內因十棗
葶藶大小半夏控涎破飲則屬不內外因理固明矣
以此類推頗得其要今叙列諸證以為治門須原本
因施用湯藥學者自宜詳審所謂四飲者即懸飲溢

仍用二字衍
文

飲支飲痰飲也懸飲者飲水流入脇下欬唾引痛溢
飲者水流於四肢當汗出而不汗出身體疼重支飲
者欬逆倚息短氣不得卧其形如腫痰飲者其人素
盛今瘦水走腸間漉漉有聲又有留飲者背寒冷如
手掌大或短氣而渴四支歷節疼脇下痛引趺盆欬
嗽則轉甚又有伏飲者膈滿喘欬嘔吐發則寒熱腰
背痛目淚出其人振振惡寒身暈動惕故曰四飲生
六證或云五飲者即留飲伏飲合為一證是也其脈
皆仍用弦微沉滑治之之法懸飲當下之溢飲當發
其汗支飲則隨證汗下痰飲則用溫葶葶後小便去之

其間或隨氣上厥伏留腸胃使人嘔吐眩暈背寒或一臂不隨有類風狀不可不知

痰飲治法

十棗湯

治懸飲欬唾引脇下痛又治支飲欬煩胸

中痛至百日其脉弦者

芫花炒

甘遂

大戟

炒等分

右為末另以棗十个水二盞煎八分去棗調藥

壯人一錢瘦人半錢平旦溫服不下者次日更

加半錢下後糜粥自養若已下不可再服

大青龍湯

治溢飲身體痛而重汗不出拘急痛

麻黃七錢五分

桂枝

炙草各二錢五分

石膏

杏仁四十粒去皮共炒

右為剉散每服四錢水盞半姜五片棗二枚煎

七分溫服一服汗者勿再服復服汗多亡陽虛

逆惡風煩躁不得眠也

小青龍湯 治溢飲支飲倚息不得卧及喘滿者

麻黃 桂枝 炙草 芍藥 細辛 炮姜各三錢

五味二錢 半夏三錢

右為剉散每服四錢水一盞半煎七分服渴者

去半夏加花粉三錢微利去麻黃加炒芫花噎

者去麻黃加附子小便不利者去麻黃加茯苓
 五錢喘者去麻黃加杏仁三錢欬而上氣肺脹
 其脈浮心下有水氣者胸中痛引缺盆加石羔
 二錢

防已桂枝湯

治膈間支飲其人喘滿心下痞堅面

色黧其脈沉緊得之數十日醫吐下

之不愈

防已

三兩

桂枝

二兩

人參

四兩

石羔

六兩

右為剉散每服四錢水一盞半煎七分溫服虛

者即愈實者復發再服不愈宜去石羔加茯苓

四兩芒硝一兩微利則愈

小承氣湯 治支飲胸滿

厚朴 四兩姜汁炒

大黃 二兩

枳實 一兩 炒

右剉散每服四錢水盞半煎七分溫服

茯苓五味湯 治支飲手足冷多唾口燥氣從小腹

上衝胸咽手足痺面熱翕然如醉狀

因復下流陰股小便難時復眩冒嘔

腫

茯苓 四兩

桂心

炙草 各三兩

五味 二兩半

右咬咀每服四錢水一盞半煎七分服之衝氣

即低反更欬滿者去桂加乾姜細辛各三兩欬
 滿止而后渴冲氣更發者以細辛乾薑為熱藥
 此法不當逐渴反止者為支飲也支飲法當冒
 冒者必嘔者加半夏二兩半以去其飲去
 則嘔止其人形腫而痺者加杏仁二兩半若面
 赤如醉以胃中熱氣上熏加大黃三兩須詳證
 加減

大半夏湯 治膈間有飲卒嘔吐心下痞眩悸

半夏

錢五

茯苓

錢三

右咬咀加生姜七片水一盞半煎七分服

小半夏湯 治支飲嘔吐不渴

半夏

右咬咀加生姜七片煎七分服

葶藶大棗瀉肺湯 治支飲不得倚息

葶藶炒令黃
研黃

右為末丸如彈子大另用水三盞煮棗十枚至一盞去棗入藥煎至七分食後服

金匱合先投小青龍湯三服乃進此藥

五苓散 治瘦人臍下有悸者挾涎沫而癩眩者飲

也

茯苓 澤瀉 猪苓 白朮 肉桂

右剉散每服四錢水一盞半煎七分服

茯苓湯 治心氣不行鬱而生涎胸膈支滿目眩以

胸中有痰飲故也

茯苓 澤瀉 白朮 桂心各二兩 炙草二兩

右剉散每服四錢水一盞半煎七分服利小便

則愈

參苓飲 治胸中停痰宿水自吐出痰後心胸間虛

氣滿不能食

人參 茯苓 白朮各三兩 枳實二兩 麩二兩

陳皮一兩半

右為散每服四錢水一盞半加生姜三片煎七

分服

八味丸 治失志腎虛鬱而生涎短氣喘欬當從小便去之中有茯苓故也

方見消渴門

參蘇飲 治痰飲停凝胸中，腕閉悶嘔吐痰涎眩

暈嘈雜忪悸噦逆及痰氣中人停留關節

手足躄曳口眼喎斜半身不遂食已即嘔

頭疼發熱狀如傷寒

人參 紫蘇 前胡 茯苓 桔梗 半夏

枳壳 陳皮 木香 甘草

右剉散每服四錢水一盞半加生姜七片棗一

枚煎七分服 嘔者加乾葛腹痛加白芍

破飲丸 治五飲停蓄胸腹結為癥瘕支滿胸脇傍

攻兩肋搶心疼痛飲食不下翻胃吐逆丸

種心痛及積年宿食不消久瘧久痢遁尸

疰忤癩癩厥暈心氣不足憂愁思慮女人

諸疾但是腹中諸病悉能治療久服不傷

歲氣

萆撥 丁香 胡椒 縮砂仁 烏梅 青皮

巴豆去皮 木香 蝎稍各等

右以青皮全巴豆用漿水浸一宿次日漉出同炒青皮焦去巴豆將所浸水淹烏梅肉炊熟一飯時細研為膏和諸藥末為丸如棗豆大每服五六丸臨臥姜湯下津液下尤佳

控涎丹 凡人忽患冒背手脚領項腰跨隱痛不可

忍連筋骨牽引釣痛坐卧不寧時時走易不定俗醫不曉謂之走注便用風葉及針灸皆无益又疑是風毒結聚為癰疽亂以

藥貼亦非也此乃是痰涎伏在心膈上下
 變為此疾或令頭痛不可忍或神意昏倦
 多睡或飲食無味痰唾稠粘夜間喉中如
 鋸聲多流涎唾手脚重腿冷痺氣不通誤
 認為癱瘓亦非也凡有此疾但服此藥數
 服其疾如失

甘遂

去心

紫大戟

去皮

白芥子

真者各等分

右為末糊丸如桐子大晒乾食後臨臥淡姜湯

下三五丸如疾猛氣實加數丸不妨

強中丸

治胃脘虛寒冷疾留滯痞塞不通氣不升

降口苦無味不思飲食

良姜

炮姜

陳皮

青皮

各一兩

半夏

二兩

右為末生薑自然汁煮糊為丸如梧子大每服二十九至三十九生薑湯下凡中滿氣痞服之甚效

凡例

前證用藥多出漢書但古料劑與今不同已詳酌改從今為用其如校定備是前說唯外所因證候難明燥風寒凝暑燥濕滯皆內關諸絡鬱而生涎不但飲水流八四支而致支溢疼痛也當以理推無膠軌轍

喘脉證治

夫五藏皆有上氣喘欬但肺為五藏華蓋百脉取氣於肺喘既動氣故以肺為主病者右手寸口為氣口
 以前脉陰寔者手太陰經肺寔也肺寔必脹上
 氣喘逆咽中塞如欲嘔狀自汗皆肺實證若氣口以
 前脉虛者必咽乾無津少氣不足以息此乃肺虛氣
 乏也

杏參散 治上氣喘滿倚息不能臥

杏仁

桃仁

並麩炒

桑皮

米泔浸一宿

人參

各兩

右為末每服二錢水一盞半加生姜三片棗二

枚煎七分服

神祕散 定喘補心腎下氣

阿膠兩一 鷄腔脰錢五 白仙茅五錢油浸

團參一分一作

右為末每服二錢糯米飲下日二服

真應散 治年遠喘急不寧不得眠臥百藥無效

白石英四兩通明者以生絹囊盛用猪肚一丁洗

淨以藥入于內以線縫定煮熟取藥出用

右研為極細末以欵冬花末二錢入藥末二錢

更入素皮二錢生姜三片棗一枚水一盞半煎

七分通口服猪肚亦可煮食只不用醬醋椒姜

調和

麥冬湯 治上氣火逆喘急咽喉不利止逆下氣

麥冬兩一 半夏錢六 人參錢一 炙草分一

右剉散以水二盞加棗二枚粳米一撮煎七分

服

清肺湯 治上氣脉浮欬逆喉中作水鷄聲喘息不

通呼吸欲絕者

紫苑 杏仁 訶子煨各 漢防已兩一

右剉散每服四錢水一盞半煎七分入鷄子清

冲服

神秘湯 治上氣不得卧

陳皮 桔梗 紫蘇 五味 人參 各等分

右用水一盞半煎七分服

皺肺丸

貝母 知母 款冬 秦光 阿膠 紫苑

百部 糯米 各二兩 杏仁 四兩去皮共

右為末將羊肺一个先以水灌洗看水容得多
少即以水更添些煮杏仁令透瀉過灌入肺中
繫定以糯米泔煮熟搗細成膏搜和前藥末杵

數千下丸如桐子大每服五十丸食前桑皮湯

下

理氣丸

治氣不足動便喘咳遠行久立皆不能任
汗出鼻乾心下急痛苦悲傷卧不安

杏仁

桂枝各一兩

益智

炮姜各二兩

右為末蜜丸如桐子大以鍾乳粉為衣米湯下

三十丸

黑錫丹

方見七卷眩暈門

白散子

方見卷一中風門

肺痿肺癰叙論

肺為五藏華蓋百脉取氣運動血脉衛養藏府灌注皮毛將理失宜氣與血亂則成肺痿肺癰矣然五藏皆有痿癰而獨論此者以肺屬金數盡於陽九位竅高而為五藏長多致此病故獨論之餘如內癰及五痿說此病多生喘欬故列於痰飲喘欬云

肺痿證治

病者寸口脉數而虛按之清身冷內煩多唾唇燥小便反難大便如爛瓜脉肝狀欲欬不欬，出乾沫唾

中出血心中溫之液之上氣喘滿或燥而渴者多因發汗利小便或嘔吐消渴數服馱葉重亡津液致熱在上焦故成肺痿

甘草乾姜湯

治肺痿多唾涎小便數肺中冷必眩

不渴不欬必遺溺所以然者上虛不能制下也

炙草

四兩

炮姜

二兩

右為末每服四錢水一盞半棗三個煎七分服

人參甘草湯

治肺痿欬唾涎沫不止咽燥而渴

人參

炙草

一兩 三兩

秋是然哉

右剉散每服四錢水一盞半加生姜五片棗三
分煎七分服

溫液湯 治肺痿唾涎多出血心中溫之液

炙草

右一味不拘多少水煎服

肺癰證治

病者可口脉數而實按之滑欬唾膿血口中辟之燥
胸中隱之痛口乾喘滿咽燥不渴多唾濁沫腥臭時
之振寒熱之所過血為之凝滯蓄結癰膿吐如米粥
故為肺癰始萌可攻膿成則難治

葶藶大棗瀉肺湯

治肺癰胃滿脹痛一身并面目

浮腫鼻塞清涕出不聞香臭酸

辛欬逆上氣喘鳴迫塞

方見本卷痰飲門

如聖湯

治欬而胃滿振寒脈數滑咽乾不渴時出

濁唾腥臭久久吐膿若粥者為肺癰

桔梗

兩

甘草

炙二兩

右水煎飲服无時

葶藶湯

治肺癰

又名葶藶湯用蘆管去節取中通之意也

米仁

冬瓜子

桃仁

去皮尖

右先以葦葉煎湯入藥再煎食后服或吐膿勿

恠

腰痛叙論

夫腰痛雖屬腎虛亦涉三因所致在外則藏府經絡
受邪在內則憂思恐怒以致房勞墜墮皆能使痛方
書五種之說未為詳論但去世愈遠文藉簡脫難以
計論雖是缺文不可棄置隨其有無提其綱目庶幾
後學以類推尋為治療之典據耳

外因腰痛論

太陽腰痛引項脊尻骨如重狀陽明腰痛不可以顧

顧則如有所見善悲少陽腰痛如針刺其皮循々然不可俯仰不可以顧太陰腰痛煩熱腰下如有橫木居其中甚則遺洩少陰腰痛々引脊內厥陰腰痛腰中強急如張弩弦以為外因治脩大抵太陽少陰多中寒少陽厥陰多中風熱太陰陽明多中燥濕以類推之當隨脉別其如經中有解脉散脉全陰會陰陽繼衝絡直陽飛陽昌陽肉里尻交等穴皆不出六經流注但別行各有所生不欲繁引請尋內經中刺腰痛論以脩明之准此從所因汗下施治

內因腰痛論

夫失志傷腎鬱怒傷肝憂思傷脾皆致腰痛以腎肝
全系脾胃表裏脾滯胃閉竅致腰痛其證虛羸不足
面目顰黑遠行久立皆所不能盡失志所為也腹急
脇脹目視眩暈所祈不得意淫于外宗筋弛縱及為
白淫鬱怒所為也肌肉濡漬痺而不仁飲食不化腸
胃脹滿閉墜腰脇憂思所為也准此從內所因調理
施治

不內外因腰痛論

腎着腰痛腰冷如水身重不渴小便自利食飲如故
腰以下冷重如帶五千錢因于作勞汗出衣裡冷濕

久、得之腎腰痛者偃倭腫重引季脇痛因於墜地
惡血留滯及房勞疲力耗竭精氣致腰疼痛准此從
不內外因補瀉施治

腰痛治法

獨活寄生湯 夫腰痛皆由腎虛氣弱卧冷濕地當

風所得不及時速治流入脚膝為偏

枯冷痺緩弱疼重腰脚攣痛重痺宜

急服此

獨活二

桑寄生

杜仲

細辛

牛膝

秦艽

茯苓

白芍

肉桂

川芎

防風 炙草 人參 熟地 當歸各二兩

右為末每服四錢水一盞半煎七分去滓服

如氣虛下利除熟地黃併治新產腹痛不得轉

動及脚腰孿痛痺弱不得屈伸此湯最能除風

消血 肘后方有附子一枚無寄生人參甘草

當歸近人治歷節風痛并脚氣流注甚效

小續命湯 治風腰痛最妙

方見卷二中風門

牛膝酒 唐州刺史王紹顏傳信方云頃年予在蘇

州得腰痛不可忍醫以腎傷風毒攻刺即

製此方一劑服之便減五分步履漸輕

牛膝 川芎 甘草 羌活 骨皮 米仁

五加皮 兩各一 生地 海桐皮 兩各二

右咬咀帛裹入無灰酒二斗浸冬月七日夏月
分數服浸三五日每服一杯日三四杯常令酒

氣不絕為佳

一法有八杜仲一兩姜汁炒

杜仲酒 治風冷傷腎腰痛不能屈伸並補腎虛

杜仲 去皮一斤
姜汁炒

石用無灰酒三斗浸十日每服三合日四五服

腎着湯

治腎虛傷濕停着為病身重腰冷如水洗

狀不渴小便自利飲食如故腰以下冷重

如帶五千錢 又治体虛自汗甚效

方見卷五傷濕門

鹿角丸

治腎虛傷冷氣入腎其痛如攣

附子

一兩

肉桂

三分

鹿角屑

二兩

炙黃酥

右為末酒糊丸如桐子大鹽酒下三十九

安腎丸

治腎虛腰痛陽事不舉膝骨痛耳鳴口乾

面色黧黑耳輪焦枯

破故紙

葫蘆巴

茴香

川棟子

續斷

各三兩

桃仁 杏仁 山藥 茯苓 各二兩

右為末蜜丸桐子大鹽酒下五十丸

青娥丸 治肝腎氣虛腰腿重痛并治風濕脚氣常

服壯筋骨補虛填精益髓

杜仲 一斤姜汁炒 生薑 晒干 破故紙 一斤炒

胡桃肉 一百廿五泡去皮腸研成膏

右為末用胡桃肉膏搜勻八密丸如桐子大鹽

酒下五十丸

神應丸 治腎經不足風冷乘之腰痛如折或引背

脅俛仰不利轉側亦難或勞役過度勞傷

於腎或臥冷濕地氣所傷或墜墮傷損並

宜服之

威靈仙兩三 桂心 當歸各一兩

右為末酒糊丸如桐子大煎炒懷香湯下三十

或五十丸婦人煎官桂湯下娠婦忌服

一方加破故紙桃仁地膚子等分

立安丸 治五種腰痛常服補腎強腰脚并治痺氣

補骨脂生 川斷 木瓜 牛膝 杜仲姜汁炒各三兩

萆薢

右為末蜜丸如桐子大鹽湯酒任下五十丸

五積散 治感寒濕與脾胃氣閉腰痛

蒼朮 桔梗 陳皮 白芷 炙草 當歸

川芎 芍藥 茯苓 半夏 麻黃 乾姜

枳壳 桂心 厚朴

右咬咀每服四錢水一盞半加生姜七片棗一

枚煎七分服 若太陰經加桃仁

熟大黃湯 治墜墮閃胸腰痛不可忍不能屈伸

大黃 生姜各五錢

右二味同炒令焦黃以水浸一宿煎瀝去滓五

更服天明所下如雞肝者即惡物也

橘子酒 治打撲腰痛惡血蓄瘀不可忍

橘子 研炒去皮
細

右一味每服二錢酒調服未效再作

或用猪腰子一隻去筋膜破開入藥全葱白茴

香青鹽濕紙裹煨熟細嚼溫酒下

桃仁酒 治腎虛風勞所傷毒腫掣痛牽引小腹連

腰痛

桃仁 麩炒去
皮

右一味每服四錢熱酒調下即汗愈

虛損證治

難經論損後皮毛至於筋骨此乃辨氣脉淺深次第也原其所因屬不內外或大病未復便合陰陽或疲極筋力飢飽失節盡神度量叫呼走氣所以諸證蜂起吐血衄血便血瀉血遺泄白濁冷滑洞瀉自汗盜汗嘔吐咯碗涎沫痰飲遂致榮衛之失虛勞損傷皆自此始蓋皆由于人身常理而致然也况婦人產蓐過于大病虛損尤多不可不知列而論之證狀非一姑舉數條以為治備要當尋考脉理推其元氣胃氣資始資成扶助陰陽辨別標本蓋不可隨證冷熱妄行施治要論曰粗工嗜以爲可攻治熱未已寒病

復始全証異治迷氣亂經學者謹之精思有靈

正元散

大治元氣虛弱臍腹脹滿心脇刺痛泄利

嘔吐自汗陽氣漸微手足厥逆及傷寒陰

證霍亂轉筋久下冷利少氣羸困一切虛

寒

人參 茯苓 白朮 黃芪 炙草 烏藥

山藥 附子 川芎 乾葛 各一兩 烏頭

肉桂 紅苳 炮姜 陳皮 各三錢

右為末每服四錢水一盞半加生姜三片棗一

枚鹽少許煎七分服

麝香鹿茸丸

治精氣耗散血少不增陽道不興服

此調榮衛利腰脚補精血主諸虛百

病

鹿茸

酥炙
一兩

熟地

二兩

沉香

三錢

射香

一錢

研

右為末蜜丸如桐子大空心温酒下三十九

大山芋丸

治諸虛百損五勞七傷肌体沉重骨節

酸疼心中煩悸唇口乾燥面容少色情

思不樂效喘傷血傷氣夜多異夢盜汗

失精腰背強痛臍腹弦急嗜卧少氣善

驚多忘飲食減少肌肉瘦悴又治風虛

頭目眩暈心神不寧又病後氣不復常

漸成勞損久服補不足愈風氣百病

山芋七兩半

當歸

肉桂

神麴

熟地各一兩半

人參一兩七錢

大豆芽卷一兩半

川芎

白芍

白朮

麥冬

杏仁

柴胡

茯苓

桔梗各二兩

阿膠一兩七錢半

麩炒成珠

炮姜三分

款冬五錢

防風一兩半

大棗

百枚去核煮爛再去皮

石為末蜜與棗肉同杵和丸如彈子大每服一

丸溫酒鹽湯任嚼下虛勞遺泄白濁加龍骨二

兩

加琥珀一兩遠志二兩茯苓二兩半即是養心

丹

羊肉丸

治真陽耗竭下元傷憊耳輪焦枯面色鰲

黑腰重脚弱陽事不興常服能壯元陽補

真氣益精駐顏

補骨脂

胡蘆巴

茴香

川練

以上

川斷

附子

茯苓

各三兩

桃仁

杏仁

山藥

各二兩

右為末以精羊肉四兩酒煮研爛入麪和丸如

梧子大鹽酒湯任下三十五丸

大神丸

治元歲虛憊血氣不足白濁遺泄自汗自

利口苦舌乾四支羸瘦婦人諸虛皆主之

木香

附子

茴香

荻蓉

川楝

焙出汗
各十兩

桃仁

胡蘆巴

牛膝

巴戟

五味

黃芪

白茯苓

澤瀉

羌活

檳榔

天麻

川芎

肉桂各二兩

右為末蜜丸如梧子大鹽湯酒任下三五十丸

兔絲子丸

治腎氣虛損五勞七傷小腹拘急四支

痠疼面色黧黑唇口乾燥目暗耳鳴心

忪氣短夜夢驚恐精神困倦喜怒無常

悲愁不樂飲食無味舉動乏力心腹脹

滿腰膝軟弱小便滑數房室不舉股肉

濕痒水道渣痛小便出血時有遺瀝

兔絲酒浸

潯桂

鹿茸

去毛切 酥炙

澤瀉

石龍各二兩

蓯蓉

杜仲

姜汁鹽水炒

茯苓

熟地 巴戟

山萸

萆澄茄

沉香

茴香

補骨脂

石斛

牛膝

川芎

川芎

五味

覆盆子

素蠟蛸

酒浸炒 各五錢

右為末酒糊丸如桐子大每服三十丸温酒鹽

湯任下膝脚元力木瓜湯下小便淋閉本通湯

下

妙應丸

治脾元氣弱久積陰冷心腹滿痛面色青

黑肌體瘦弱怠惰嗜卧食少多傷噫氣吞

酸噦逆惡心腹中虛鳴大便泄利胸膈痞

塞食飲不下霍亂嘔吐肌冷轉筋及五膈

五噎久痛久利

附子

砂一個六錢重者生去皮臍剉作孔入桐

萸撥

木香

青皮

兩各二

破故紙

兩三

右為末麵糊為丸如桐子大生姜陳皮湯下三

十九

增損樂令湯

治諸虛不足小腹急痛脇肋膜脹臍

虛滿胸中煩悸面色痿黃唇乾口燥
 手足逆冷體常自汗腰背強急骨肉
 酸痛欬嗽喘乏不能飲食或因勞傷
 過度或因病後不復

黃芪 人參 橘皮 當歸 桂心 細辛

前胡 甘草 茯苓 麥冬 芍藥

附子 熟地 各二兩 半夏 二兩 遠志 三兩

石咬咀每服四錢水一盞半加生姜五片棗二
 枚煎七分服 若腹滿食少去棗

下焦虛冷不甚渴小便數者倍人參當歸附子

煩渴引飲加花粉遺泄白濁加龍骨白斂小腹
急引心痛者加乾姜

人參養營湯 治積勞虛損四支沉滯骨肉酸疼吸

少氣行動喘欬小便拘急腰背強

痛心虛驚悸咽乾唇燥飲食無味陰

陽衰弱悲憂慘戚多卧少氣久者積

年急者百日漸至瘦削五藏氣竭難

以振復又治肺與大腸俱虛欬嗽下

利喘促乏氣嘔吐痰涎

人參 當歸 桂心 甘草 陳皮 白朮 各一兩

白芍

三兩

熟地

五味

茯苓

各三

遠志

五錢

右以咀每服四錢水一盞半加生姜大棗煎七

分服

如遺精加龍骨一兩

欬嗽加阿膠二兩

十補丸

治真氣虛損下焦傷竭臍腹強急腰脚疼

痛亡血盜汗遺精白濁大便自利小便滑

數或三焦消渴飲食倍常肌肉消瘦陽事

不舉顏色枯槁久服補五藏行榮衛益精

髓進飲食

附子

炮姜

肉桂

兔絲

酒浸

厚朴

姜汁

巴戟

遠志

姜炒

破故紙

赤石脂

煨各

川椒

炒去合口者并汗二兩

右為末以酒糊為丸如梧子大溫酒下三十丸

遠志丸 治心腎氣不足驚悸健忘夢寐不安遺精

面少顏色足胫酸疼

遠志

山藥

熟地

天冬

龍齒

水飛各六兩

麥冬

五味

車前

茯苓

茯神

骨皮

肉桂

右為末煉蜜丸如桐子溫酒下三十丸至五十

丸

張家走馬秘真丹

治房室過度或用意思維精洩

自出腰背酸弱不能屈伸食不

生肌兩脚疼痛不能步履

草烏

或用川烏以牡蠣淨用一兩皮臍去牡蠣淨用一兩炒裂去

五倍子

五錢

牡蠣粉

右為末糯米飯和丸如梧子大鹽湯下三五十

丸

蓮子丸

治真氣虛憊口苦舌乾心常惓戚夜多異

夢晝少精神或夢與鬼交遺泄白濁小便

餘瀝陽事不舉目暗耳鳴面色鰲黑

新蓮肉

四兩

白龍骨

醋煮一兩

甘草

一分

右為末用車前草汁入鹽少許煮和為丸如桐

子大鹽湯任下三十九

威喜丸

治精氣不固餘瀝常流小便白濁夢泄及

婦人血海久冷白帶白濁白淫身常濕小

便如米泔或無子息

白茯苓

四兩

猪苓

一分去皮煮茯苓數十沸

黃蠟

四兩

右只用茯苓一味為末鎔黃蠟為丸如彈子大

空心細嚼含口內生津液徐嚥兼治耳鳴口乾

鎖陽丹

治脫精泄而不禁

龍骨

一兩

茯苓

一兩

桑螵蛸

三兩瓦上焙燥黃

右為末蜜和丸如桐子大煎茯苓湯下五十九

一方用茯苓猪苓木饅頭和皮子切各等分為末

一方用破故紙青鹽槌碎等分同炒香為末並服二錢米飲調下

十四友丸 補心腎虛怔忡昏憤神志不寧睡卧不

安故經曰歲有所傷情有所倚人不能懸其病則卧不安

當歸 熟地 茯苓 茯神 人參 黃芪

阿膠 蛤粉炒 棗仁 炒 柏子仁 紫石英

遠志 肉桂 各一兩 辰朱砂 一分 龍齒 二兩

右為末蜜丸如桐子大棗湯下三十丸

宣和賜耆絲丸

治少年色慾過度精血耗竭心腎

氣憊遺泄白濁腰背疼痛面色黧

黑耳聾目昏口乾脚弱消渴便利

夢與鬼交陽事不舉

當歸

酒浸焙乾半斤

兔絲子

酒浸煮搗焙乾一斤

米仁

茯神

一用茯苓

石蓮肉

鹿角霜

熟地

各四兩

右為末用黃芪二斤槌碎水六升浸一宿次早

以水授洗味淡去渣于銀石器中熬汁成膏搜

和得所搗數千杵丸如梧子大每服五十丸加

至百丸米湯溫酒任下常服守中安神禁固精
血益氣駐顏延年不老

參香散 治心氣不寧諸虛百損支侷沉重情思不

樂夜多異夢盜汗失精恐怖煩悸肌肉瘦

悴喜怒無時口乾咽燥欲飲水漿飲食減

少漸成勞瘵常服補精血調心氣進飲食

安神守中功效難述

人參 黃芪 茯苓 白朮 山藥 蓮心肉各一兩

砂仁 烏藥 橘紅 炮姜各五錢 木香

炙草分三 丁香 檀香各一錢 沉香二錢

右剉散每服四錢水一盞半加姜枣煎七分服
一法有熟附子五錢

三因極一病證方論卷十三終

三因極一病證方論卷十四

宋青田鶴溪陳言無擇編

水腫叙論

夫腎主元氣天一之水生為肺主沖化地四之金屬
為元氣乃水中之火所以太陽合少陰主精髓以滋
血沖化乃土中之金所以太陰合陽明主肌肉以養
氣今以腎虛則火虧致陽水凝滯肺滿則泛溢使陽
水沈潛沈潛則氣閉凝滯則血淖溢經絡不通上為

喘急下為腫滿故經曰腎為少陰肺為太陰其本在腎其末在肺皆至陰以積水也所以能聚水而生病者蓋以腎為胃關也關健不利樞機不轉水乃不行滲透經絡皮膚浮腫諸經不全廣如經說法曰平治權衡者察脉之浮沉也去菟陳莖者踈滌腸胃也開鬼門潔淨府者發汗利小便也原其所因則胃受風寒暑溼屬外因喜怒憂思屬內因飲食勞逸背於常經屬不內外因皆致此病治之當究其所因及諸禁忌而為治也

水腫治脉例

古方水腫證候以短氣不得卧為心水兩脇疼痛為
肝水大便鴨溇為肺水四支苦重為脾水腰痛足冷
為腎水口苦咽乾為膽水乍虛乍實為大腸水腹急
支瘦為膀胱水小便秘澁為胃水小腹急滿為小腸
水各隨其經絡分其內外審其脉證而甄別之然此
十水謂之正水外有風水皮水石水黃汗以義攷之
風合歸肝皮合歸肺黃汗歸脾石合歸腎名雖不同
其理不踰奈證候少異古方備列不可不辨但風水
脈浮必惡風皮水亦浮按不沒指石水脈沉不惡風
腹滿不喘黃汗脈沉遲發熱多涎久而不愈必致癰

膿正水寸口脉浮而遲浮則熱遲則潛熱潛相搏名曰伏沉沉相搏名曰水沉則絡脉虛伏則小便難難虛相搏水走皮膚即為正水此乃金匱節文所以用寸口跌陽二脉者蓋水氣不在一經也大抵脉浮滯數即是虛寒潛止於其間久必沉伏沉伏則陽虛陰實為水必矣要知水脉必沉論曰脉出者死與病不相應也諸水唇黑則傷肝缺盆平則傷心脐出則傷脾足心平則傷腎背平則傷肺凡此五傷決不可療也治法曰腰以上腫宜發汗腰以下腫宜利小便學者當知之

復元丹

治水腫病夫心腎真火能生脾之真土今

真火之氣虧不能養滋真土故土不能制

水之液妄行三焦不寫氣脉閉塞樞機不

通喘息奔急水氣盈溢滲透經絡皮膚溢

滿足胫尤甚兩目不腫腿股間冷口苦舌

乾心腹堅脹不得正偃，則欬嗽小便不

通夢中虛驚不能安臥

附子兩二

木香

茴香

川椒

獨活

厚朴

白朮

陳皮

吳茱萸

肉桂

各二兩

澤瀉五兩一錢

肉果

檳榔

各五錢

右為末糊丸如桐子大紫蘇湯下無時

此藥世傳屢驗未嘗示人其間君臣佐使與造化固妙服者自知要當屏去諸葯一日三服先旋利如傾次乃腫消喘止蓋藥能助真火以養真土運動樞機安午必矣法當禁慾事并絕鹽物半年後始不再作

當歸散 治同前

當歸 木香 赤茯苓 肉桂 檳榔 赤芍

丹皮 陳皮 木通 白朮 各等

右為末脚膝頭面腫大小便不通每服二錢水

師本無丹皮

一盞紫蘇二葉淡木瓜一片如指大同煎八分
溫服日三服如已愈早晚二服覺氣下或小便
快是效歲寒去檳榔臍已凸出加大腹皮猪苓
各一兩忌烏雞肉鹽酸海味

正陽丹 治水腫

宣木瓜

四兩者一個用童便酒各三升煮爛絞汁

人參

附子五錢

大豆

煮去皮晒乾十兩

銀硃二錢另研

右為末入銀硃研勻以木瓜膏丸梧子大米湯

下五十九

消腫丸

治水腫喘滿小便不利

滑石 木通 白朮 黑丑 茯苓 陳皮

茯苓 半夏 通脫木各一分 即通草 丁香

木香各半 瞿麥一分

右為末酒糊丸如桐子大燈心麥冬湯下三十九

消腫散 治水氣浮腫喘不得睡煩熱煩躁煩渴大

小便不利

大黃密 黑山梔 甘草 乾葛 陳皮

麻黃 川芎 馬牙硝各等

右為末密調下二錢

棗仁散 治水氣浮腫無問新久老少皆可服惟禁

鹽必效

枣仁

赤苓

肉桂

各等分

右為末每服二錢米飲調下

禹餘糧丸

治十種水氣凡脚膝腫上氣喘滿小便

不利但是水氣悉能主之

蛇舍石

大者三兩以新鉄銚盛入一秤炭火中燒蛇舍石與銚子一般通赤用鉗取銚子出傾蛇舍石入酸醋二升中候冷取出蛇黃研極細則止

禹餘糧

針砂

五兩水淘乾淨更以銚子炒乾用禹餘糧一處用米醋二升就銚子煮醋乾為度入一秤

炭火內燒通赤傾藥淨地上候冷研無聲即止

以上三物為主其次量人虛寔入下項藥

治水多是取轉唯此方三物既非大戟甘遂芫

花之比又有下項扶持故虛老人可服

羌活 木香 茯苓 川芎 牛膝 白朮

茴香 蓬朮 三稜 肉桂 炮姜 青皮

白茯苓 附子 當歸身 酒洗 五錢

右為細末拌勻以神麴和藥再杵極細煮糊為

丸如芡寔大食前溫酒下三十九至五十九惟

忌鹽雖毫末不得入口若無以為味即水病去

後且以醋少許調和食物不能忌鹽物服諸果

品欲去病切須忘鹽但試服藥即於小便內旋去不動歲府病日去日三服兼以溫和調補氣血藥助之真神方也

第一退水丸 能化氣退腫消水去菟藟莖利濕通

小便

蓬朮 三稜 肉桂 青皮 益智

各五錢

巴豆 油三兩去皮

右為末麪和丸如梧子大用黃梔子十個劈破以剝芥黑丑酸漿草各少許煎湯下二三十丸

第二退水餅 服前藥未效即服此方

甘遂 大戟

右為末入麵和水調為餅如棋子大以火煨熟
五更時以淡薑湯嚼下一餅

第三大腹子散 取轉後調正胃氣進飲食

大腹子炒 肉桂 茴香 陳皮 各五錢

右為末每服二錢米飲調下

桃紅散 治正水脹急大小便不通逆閉欲死方

甘遂 五錢半 生半熟 枳 十文 另研

右為末研勻每用一分以白麵四兩水調入藥
拌和切作碁子白水煮浮更不得使鹽料物只

淡食候大小便利去六七分却用後藥調補

平胃散 藥一料為劑將後藥加入 此藥繼前藥

服

附子

白朮

各一兩

丁香

錢五

右為末和勻每服二錢水一盞半加生姜七片

棗三枚煎七分日三五服若腫未退可灸三陰

交及風門穴腫必退矣

大安丸 治遍身腫滿及痰氣食積傷寒感風脾氣

橫泄

羌活

白朮

各五錢

陳皮

木通

黃芪

素皮 各三

木香 分一

黑丑 十兩半
生半熟

右為末蜜丸如彈子大治風痰散腹脇壅滯清
頭目濃煎姜湯下取食傷止赤白痢煎大棗湯
下小便不利燈心湯下傷寒葱茶湯下如未快
以稀粥投之用熟茶湯下亦可須七日后方可
服已得瀉急欲止之投冷白粥即自止婦人產
後並宜服之服此藥須住他藥三日并不得吃
生冷暈腥滋味一日只吃軟飯淡粥次日再進

千金散

藿香

炙草

炮姜

神麴

茯苓

各一兩

秋晨默識

人參 肉桂 陳皮 厚朴 姜汁各二兩

右為末每服二錢水一盞半加生姜三片鹽一

捻煎七分服

葶藶薺菜丸 治腫滿腹皮脹四支枯瘦小便澀濁

甜葶藶 薺菜根 等分

右為末蜜丸如彈子大每服一丸陳皮湯嚼下

一丸只三丸小便清利數日復當依舊

料簡

病有風水皮水石水黃汗皆與正水同為治自別

大豆湯 治風水通身腫骨節疼惡風自汗眼合不

得短氣欲絕其脉浮

大豆

杏仁

麻黃

防風

防己

猪苓

各四兩

澤瀉

黃芪

烏頭

各二兩

半夏

茯苓

白朮

各五兩

甘遂

炙草

各二兩

右咬咀每服五錢水二盞酒半盞加生姜七片

煎七分去滓不以時服以大小便利而腫消則

停藥未利加生大戟六兩葶藶三兩隔紙炒香

无不快利甘遂甘草似不當用之然却效非人

情所可測也

五皮散

治皮水四支頭面悉腫按之沒指不惡風

其腹如鼓不喘不渴脉亦浮

大腹皮 素白皮 茯苓皮 陳皮 各等分 為末

每服四錢水一盞半煎七分入木香汁少許效

澤漆湯 治石水腹腫四支腫不喘其脉沉

澤漆 五兩 素皮 六兩 射干 米泔浸 黃芩

茯苓 白朮 各四兩 防己 澤瀉 各二兩

右咬咀每服五錢水五盞烏頭一合煎七分日

三服

黃芪苦酒湯 治黃汗依五疸法治之用黃芪酒

黃芪 五兩 芍藥 三兩 肉桂 二兩

師本黃芩作黃芪

右為末每服四錢苦酒三合水一盞半煎七分

服

料簡

病者水腫相類者曰膏脹鼓脹腸覃石瘕脾氣橫泄
五種治法亦復不同除鼓脹見腫滿門腸覃石瘕見
婦人門今具膚脹及脾氣橫泄於后

附子菘豆湯 治寒客皮膚殼々然而堅腹大身腫

按之陷而不起色不變病名膏脹一

劑未快再作服

附子

約重八錢去皮
臍劈破兩半



右以生姜一兩水二碗煎至一碗絞去滓分三服空心渴服次日將前附子破作四片再棗豆一兩如前煎服第三兩後將附子作八片如前

煎法

無碍丸 治脾氣橫泄四支浮腫心腹脹滿喘不得

卧

蓬朮 三稜各一 大腹皮二 木香

檳榔生一分

右為末以炒麥芽粉糊為丸如桐子大姜湯下

二十九

茯苓氣飲

治脾胃不和胃膈噎塞腹脇疼痛氣

促喘急心下脹滿飲食不進嘔吐不

止魚脾氣橫泄四支浮腫

五味 桔梗 茯苓 甘草 陳皮 桑皮

大腹皮 蘇葉各三兩五錢

右剉散每服四錢水盞半姜三片入鹽少許煎

七分服

麻黃甘草湯 治氣急久不差遂成水腫如此者衆

諸皮中浮以水故也面目身体從腰

以上腫當以此湯發汗

麻黃

二兩

甘草

一兩

右為末每服四錢水盞半煎七分服

茯苓蘇子丸 治面腫小便澀心腹脹滿

茯苓

蘇子

杏仁

各一兩

陳皮

防己

葶藶子

隔紙炒
各一兩

右為末蜜丸如小豆大以桑白皮湯下三十九

料簡

夫浮腫門類極多自正水之餘有風水皮水石水黃汗等證皆入水腫門如脾氣橫泄脚氣支滿膚脹鼓脹腸覃石瘕與夫造作干犯土氣皆作浮腫屬血屬

氣理自不同奈外證相類未易甄別若不預學臨証
 必迷于治錯亂汗下皆醫殺之也更有氣分血分亦
 入腫門治法甄別其可不學古方類例雖明多見不
 學者抄寫數方一道施治倘非其病妄投其藥盛者
 致困者必死况有飲食禁忌種種不同學者勉之
 不可輕玩以病試藥甚為不仁戒之戒之

血分見婦人門
氣分方論附后

氣分證治

氣分與胸痺中滿皆相類但胸痺屬氣實中滿為氣
 虛氣分則挾痰飲氣為涎飲所隔榮衛不利腹滿脇
 鳴相逐氣轉膀胱榮衛俱勞陽氣不通則身冷陰氣

不通則骨疼陽氣前通則惡寒陰氣前通則痺不仁
陰陽相得其氣乃行大氣得轉其氣乃散實則失氣
虛則遺溺乃知氣挾涎飲之所為也其脉寸口遲而
清遲為氣不足清為血不足跌陽脉微而遲微則為
氣遲則為寒斯証也名曰氣分

桂附湯 治心下堅大如盤邊如旋盤水飲所作名

曰氣分

肉桂三兩

炙草

麻黃

細辛

各一兩

附子

四兩

右咬咀每服四錢水一盞半加生姜七片棗三
枚煎七分溫服汗出如虫行皮中即愈

枳朮湯 治全前

枳實

半一兩

白朮

兩三

石叟咀每服四錢煎七分溫服腹中軟即當散也

陰癩叙論

夫陰癩屬肝係宗筋胃足陽明養之世多不識謂之外腎非特名義差錯亦使內藏不分其可不辨乎古方雖出四證但曰腸癩氣癩水癩卵脹殊不別其所因如腸癩則因房室過度元藏虛冷腹邊腎系不收墜入癩中上下無定謂之腸癩屬不內外因病者久

蓄憂思怒氣兼并隨歲氣下墜陰癩腫脹急痛名曰
氣癩屬內所因病者久傷生冷寒濕氣下墜致陰
腫脹名曰水癩屬外所因病者勞役無節及跨馬坐
車致卵核腫脹或偏有大小上下元常名曰卵脹屬
不內外因有小兒生來便如此者乃宿疾也卵脹腸
癩皆難治氣癩水癩皆易治又寒疝下注入於癩中
名曰狐疝亦屬癩病世人因此並以癩病為疝氣不
審之甚也婦人陰門挺出亦稱癩病名義不分有如
此者

陰癩證治

凡癩病惟腸癩無問貴賤多有之有睡臥系延入脇
下者有墜入囊中者或遇勞役及天色變動逼上囊
根腫急作痛過於寒疝得煖即下其如卵脹有作熱
生膿為癰潰爛者比之有之

茱萸內消丸

治陰癩偏大上攻臍腹疔痛管囊腫

脹或生瘡瘍時出黃水兩腿沉重足
胫胫滿行步艱難服之內消不動歲

府

川練三兩
炒

大腹皮

五味

海藻洗

玄胡索

各三兩
五錢

茴香

肉桂

川烏

各二兩

陳皮

桃仁各一兩 麩炒

枳寔炒

吳茱萸

山茱萸

白茯苓各二兩

桔梗

石茱萸

青皮

右為末酒糊丸如梧子大溫酒下三十丸

大戟丸

治陰癩腫脹或小腸氣痛

大戟

五錢去皮炒黃

胡蘆巴

四兩炒

木香

附子

舶茴香

訶子

檳榔

各一兩

川練

五兩

麝香

五分另研

右為末獨以川練子入好酒二升葱白七莖煮

川練去皮校取肉研膏和藥末為丸如梧子大

姜湯下五七丸至十九潮熱疼以炒薑熱酒下

十九

煉陰丸

治陰器下墜腫脹卵核偏大堅如石痛不

可忍

玄胡索 海藻 昆布 青皮 茴香 川練

馬藺花

各二兩

木香

錢五

大戟

淘淨浸三宿切片焙乾一分

右為末別將硃砂阿魏安息香各一分用酒醋

各一升淘三物去砂石熬成膏入麝香一錢沒

藥一分八前藥和丸如菘豆大用綿灰酒下十

丸至十五丸

師本阿魏作阿膠

抵聖丸 治膀胱有熱多因天氣熱而發陰癩腫滿

赤痛大便秘欲飲水按之臍下脹痛

續隨子 米仁 郁李仁 茵芋 白牽牛 各一兩炒

右為末滴水丸如梧子大每服五錢用博濟方

香姜散為飲煎之黃昏服五更利下惡物效

兼金丸 治熱入膀胱臍腹上下兼脇肋疼痛便燥

欲飲水按之痛者

大黃八錢 硝石 桂心 炙甘草 各四兩

桃仁 四十個

右為末蜜丸如梧子大米飲下五七丸至十丸

婦人血閉疼痛亦宜服之

應痛丸 治敗精惡物不去結在陰囊成疝疼不可

忍久服去病

阿魏

三指裏阿魏慢火熬熟 醋和用蕎麥麩作餅厚

檳榔

大者二個剉末作窰子滿盛的乳香 將末用蕎麥麩拌作餅子慢火煨熟

右同研為末入硃砂末一錢赤芍末一兩同麩

搜和為丸如桐子大溫酒鹽湯任下十丸

痰藥丸

治囊核堅大行動艱難發作牽引偏墜疼

痛

白茯苓

海藻洗去鹹

澤瀉炒

茴香一兩

桂心 木通 牛膝 杜五味 木香

檳榔 各二兩 茯苓 人參 遠志 各三兩 姜汁炒

川棟 桃仁 赤芍 川斷 山萸肉

葎蓉 青皮 各四兩

右為末蜜丸如梧子大溫酒鹽湯任下三五十

丸

三白散 治膀胱蘊熱風濕相乘陰癩腫脹大小便

不利

白牽牛 二兩 白朮 桑白皮 廣皮 木通 各五錢

右為末每服二錢姜湯調下未覺再進此藥不

損歲氣只導利留滯疝方大率多用熱藥此方
惟導壅熱證宜服之

蜘蛛散 治陰狐癩氣偏有大小時上下脹入者

蜘蛛 十四枚
熬焦

桂心 五錢

右為末蜜丸如桐子大米飲下十三丸

牡丹散 治陰癩偏大脹不能動坐臥不安

丹皮 防風等分

右為末酒服方寸匕小品方有桂枝豆豉鐵精
共五味小兒以乳汁調下一字許

香附散 治癩脹

香附 不拘
多少

右為末每用酒一盞煎海藻一錢至半盞先吃
海藻再取煎酒調香附末二錢服

雄黃散 治陰囊腫大如斗核痛人所不能治

雄黃 一兩
研

礬石 二兩
研

甘草 半兩

右以水四升煎洗之

癰疽叙論

發背癰疽者該三因而有之論云癰疽瘰癧不問虛
實寒熱皆由氣鬱而成經亦云宿於經絡與血俱澁
而不行壅結為癰疽不言熱之所作而后成癰者此

乃內因喜怒憂思所鬱而成也又論云有熱被風冷搏之血脉凝滯不行壅熱氣結而成亦有陰虛陽氣湊襲寒化為熱，成則肉腐為膿者此乃外因寒熱風濕所傷而成也又服丹石及炙燂酒麪溫床厚被所致或盡力房室精虛氣結所致者此乃不內外因所傷而成也故知三因備矣又論云癰者節也癰者壅也疽者沮也如是但陰陽不勻有所壅節皆成癰疽又曰陰滯於陽則發癰陽滯於陰則發疽以此二者發無定處當以脉別之浮洪滑數則為陽微沉緩濇則為陰，則熱治陽則冷治，之要雖有四節

八事所謂初覺則宣熱拔毒已潰則排膿止痛膿盡則消惡肌肉惡肉盡則長肌傳痂次序固明若不別其因施治亦昧故治法中有因遠志宣熱者得非內因乎至于外因則用大黃不內外因則用甘草世醫但泥方書多用五香連翹與漏蘆二湯更不知三因所自其可守一法而普攻之既得其因又須觀病之淺深與證候之吉凶寒則溫之熱則清之虛則補之寔則瀉之導以針石灼以艾炷破毒潰堅以平為期各有成法近胡成得一方甚寶秘之持以獻洪丞相洪與之作序言重于世已遍行矣其方乃千金內補

散添黃芪人參減桂間有輕者服之稍效若真癰疽
為害反甚內補散當用在第四節當先服內散等藥
俟膿盡方得投之苟專用之亦所謂守一法也孔子
不嘗未達之藥者良有旨武士大夫當深味斯言無
輕信醫方悞天下後世謹之

癰疽證治

病者脉數身無熱而反洒淅惡寒若有痛處背發癰
疽欲知有膿無膿以手掩腫上熱者為有膿不熱者
為無膿此亦大畧之說也自有脉不數不熱而疼者
發於陰也不疼者尤是惡證不可不知凡熱甚脉數

即用漏蘆并單煮大黃湯不甚熱脉緩弱只投五香
連翹湯其他依四節八事及推三因以用藥未有不
全濟也

遠志酒

治一切癰疽發背癩毒惡候侵有大死血
陰毒在中則不痛仍用之則痛有憂怒等
氣積而內攻則痛不可忍敷之即不痛或
蘊熱在內熱逼人手不可近敷之即清涼
或氣虛血冷潰而不斂敷之即斂此本韓
大夫宅用以救人極驗者若七情內鬱不
問虛寔寒熱治之必愈

遠志不拘多少米泔浸捉去心用

右為末每服三錢酒一調盞少頃澄清飲之以

滓傳病處

單煮大黃湯孫真人云緩急單煮大黃一味為湯

服即快利此要法也

大黃腫

獨聖湯治服金石及食炙博飲酒房勞為癰疽及

諸惡瘡疼痛

甘草半斤

右一味以水一斗浸一宿煎至五升以下去滓

入銀石器內煨為膏分二服溫酒下臨臥一服
次日五更一服當取下惡物為效

獨聖雙行湯

治傷風寒暑濕或溢或散使氣血凝

滯肉腐為膿壅結成癰疽隨處發作

大黃一兩

木鱉

防風

枳殼

桔梗

甘草

各一分

右咬咀每服四大錢水一盞煎七分去滓入朴

硝二錢鎔化熱服得踈轉一二次即服萬金湯

若陰證只服萬金不可用通聖雙行也

萬金湯

治癰疽發背發肩發鬚鬚發腦婦人乳癰

等定痛去毒

甘草

錢五

沒藥

錢五

瓜蒌

去皮

右以無灰酒一斗煮至一升隨量飲盡或出血

或出黃水效

五香連翹湯

治一切惡核瘰癧癰疽惡毒等病

青木香

沉香

乳香

丁香

麝香

升麻

素寄生

獨活

連翹

射干

木通

各二兩

大黃

三兩

右咬咀每服四錢水二盞煮一盞以上去滓取

八分清汁熱服半日以上未利以利下惡物為

度未生肉再煎服不妨以折去毒熱之氣本方

有竹瀝芒硝忍泥者不能斟酌故缺之知者當

自量入

漏蘆湯

治癰疽發背丹疔惡肉時行熱毒發作赤

腫及眼赤生瘡

漏蘆

白芨

黃芩

麻黃

白微

枳壳

升麻

炙草

白芍

各二兩

大黃

三兩

芒硝

石叟咀每服四錢水一盞半煎七分服以快利

為度

忍冬酒

治癰疽腫毒甚效

忍冬草

取嫩苗或
有花更好

炙草

各八

石同研入酒一升半以瓶塞口煮溫服仍以渣敷腫上

又木蓮葉四十九片搯去毛研細酒解溫服切與忍冬草不相上下

又龍鱗薜荔一握細研以酒解汁溫服亦能瀉下惡物去其根本

轉毒散 治發背癰疽不問淺深大小利去根本不

動元氣神效

車螯

紫背光厚者一名昌熾

甘草

一分

輕粉

五分

右以鹽泥固濟車螯火煨研末一兩八甘草輕

粉研勻濃煎括姜酒調下四錢五更初轉下惡
物為度未快再作括姜每用一個酒一碗煎一
盞為一劑

靈寶膏

治發背癰疽宣板熱毒排膿止痛

瓜蒌仁

三十五取仁
炒香細研

乳香

胡桃

六十五取肉
去皮全瓜蒌

研仁

白蜜

一斤

右入銀石器內慢火熬成膏每服二匙溫酒調
下

托裏散

治癰疽欲發未潰及已發服之內托不使

透膜

瓜蒌子

鬼腰帶皮

皂角刺

射干

即仙人掌根
花紅者是

天蘿瓜

取子

茴香

木鱉

五

漢枳

一兩

右焙乾為末麪薄糊調作餅炙乾為末酒調下

二三錢不飲酒以木香湯下

白玉膏

收縮癰疽令不蔓衍切忌用冷藥外貼逼

毒氣入裏殺人

杏仁

二十粒

川枳

四十九粒去目
炒出汗為末

清油

一兩

酒蠟

半兩

右為末文武火煨用柳青枝攪紫黑色綿濾過

再熬滴水成珠收淨器內看瘡大小作新月撲

紙花團圓貼候暈收更促小瘡頭聚用后藥傳

檳連散

治癰疽瘡腫未潰已潰皆可敷

檳榔

川連各五錢

川山甲

十斤燒存性

石為末先點好茶以翎毛刷過瘡仍以茶清調

藥傳瘡上如熱甚則雞子清調膿已潰則用長

肌藥未快則用替針散

替針丸

治癰疽雖潰而膿不出用之必快

雄雀糞

二十七个

硃砂

一字

陳倉米

一字

沒藥

一字

右研勻以米飲丸如粟米大每用一粒貼在瘡

頭或瘡眼中即濃膿出

生肌散 傳癰疽瘡毒即生肌

黃狗骨頭燒存性方 膩粉

右為末用麻油調敷自通聖萬金神異白玉櫛
連替針生肌凡七方是一家行用均濟三因皆
良藥也

瞿麥散 治癰疽已潰排膿止痛利小便

瞿麥兩一 芍藥 肉桂 赤小豆 川芎

黃芪 當歸 白斂 麥冬各二兩

右為末酒調下二錢

內塞散 治癰疽已潰熱退膿血不止排膿止痛

防風 茯苓 白芷 桔梗 遠志 甘草

人參 川芎 歸身 黃芪各一兩 肉桂五錢

附子一枚 厚朴一兩姜汁炒 赤小豆二兩五錢酒浸炒

右為末每服二錢溫酒米湯任調下

千金內補散 治癰疽發背惡肌不盡服此生肌消

毒

當歸 肉桂各二兩 人參 川芎 厚朴姜汁炒

防風 炙草 白芷 桔梗各一兩

右為末每服二錢酒調下不能飲酒以木香湯

調下

三因方論 癰疽証治 二高 瑞竹堂

善應膏 治癰疽潰後長肌傳痂

白芷 黃芪各一兩 甘草二錢 黃蠟二兩

黃丹二兩半

右以前三味為粗末春秋用麻油四兩半夏五兩忍冬草五兩熬藥紫赤色綿濾去滓再入黃蠟黃丹以柳枝不住手攪滴水成珠即止用時常法

猪蹄湯 洗發背癰疽

猪蹄 黃芪 川連 白芍各一錢 黃芩一兩

薔薇根 狼根各一兩

右咬咀以水二斗煮猪蹄熟澄清得汁半斗許
入藥煎至三盞去滓洗瘡以帛拭日二如疼痛
加當歸甘草各一分

外食散 治癰疽腫毒惡肉不盡膿水淋漓敷此能

生肌長肉

白礬 銀鍋內用瓦一
片蓋煨令性盡 好染坯 血竭 各一
兩

右研細用桑葉漿旋搜為膏量瘡大小貼之忌鯽

魚酒麪毒物等

瘡漏脈例

經云陷脈為漏留連肉腠脈得寒即下陷凝滯肌肉

故曰留連肉腠肉冷亦能為膿血故為冷漏須用溫
藥方如後

陷脉散

治漏瘡及二三十年癭瘤或大如杯盂久

久不差致有漏潰令人骨消肉盡或堅或
軟或潰令人驚惕寐卧不安体中痛愈而

後作

炮姜

大黃

琥珀

附子

各一兩

丹參

三錢

石硫黃

白石英

鍾乳粉

烏鰂魚骨

各五錢

右為末貯以磁盒圍囊勿令洩氣若瘡濕即傅
汁煎猪油和傅之以乾為度或死肌不消加芒

硝二兩亦佳

一法用胡燕屎一枚

桂附丸 治氣漏冷漏諸瘡

肉桂

附子

炮烈投米醋中浸兩
炮三五次去皮尖

厚朴

姜製

炙草

白朮

各一兩

木香

一分

乳香

二錢
另研

右為末蜜丸如桐子大米飲下二三十丸

癰疽灸法

夫癰則皮薄而腫高疽則皮厚而腫堅初發並宜灼艾惟癰成則宜針疽成則宜烙若能審其名證早施治仍用藥以攻利其根補托其裡不必告醫自料

而差但世人忽之尔醫方所以冠癰疽於雜病之先者知為大病也世醫失治療之序顛倒錯亂多致天枉良可歎息故脩集得效灸法以貽學者庶不致妄投也

治初生癰疽發背神效灸法累試有驗江寧府紫極觀因掘地得石碑所載而得之

凡人初覺發背欲結未結赤熱腫痛先以濕紙覆其人立視觀之其紙先乾處即是結癰頭也取大蒜切片如三分厚安其頭上用大艾炷灸之三壯即換一蒜片痛者灸至不痛不痛灸至痛時方住

最要早覺早灸為
日六七日活五日六日三四活過七日則不可灸矣
若有十數頭作一處生者即用大蒜研成膏作薄
餅鋪頭上聚艾於蒜餅上燒之亦能活也若背上
初發赤腫一片中間有一片黃粟米頭子便用獨
頭蒜切去兩頭取中間半寸厚薄正安於瘡上却
用艾於蒜上灸十四壯多至四十九壯

補方

大黃

蠟殼各焙乾

右二味等分為末油調塗腫毒大妙

此方凌東望錄補

三因極病證方論卷十四終